

8.40

地 310.35  
42  
部 2



# 同安縣志

卷三大事記  
卷七建築

卷四山川

卷五水利

卷六城市



同安縣志卷之三

大事記

春秋非常必書言非常即大事也歷代史家於寒暑灾侵兵戈疾疫之變日星風  
雨霜雹雷霆之異靡不慎而書之非徒史氏之法乃所以求合於聖人之經也同  
邑為海疆要地歷史每有興革紀載不厭求詳明末鄭成功以金厦而抗全師兵  
災之慘亙古未聞清道光中葉英夷以鴉片輸入浸啟戰端為全國積弱所自始  
其禍至今甚於洪水猛獸乃我國四千餘年未有之變局正所謂非常必書也因  
志大事以沿革為首兵警鴉片次之而以災祥附焉按大事記撮舉大綱限於例  
於考證茲特仿顧棟  
高春秋大事表之例

沿革

吳 永安三年增置東安縣

晉 太康三年分晉安為同安縣

唐 貞元十九年置大同場

南唐 長興三年王延鈞以大同場州置同安縣按長興為後唐明宗元  
文獻通考稱南唐候考

同安縣志

卷之三

大事記

晉開運元年留從效殺泉州刺史黃紹頰汀州刺史同安許文績舉郡降

宋 建炎 年設通判軍州事

紹興二十八年主簿朱熹纂修大同集為縣志  
所自始

景炎元年十一月元兵入福州益王昞航海駐蹕北門外復渡海至嘉禾嶼

慶元 年添差通判軍州事

明成化戊戌年陳舒纂修大同志

正德丙寅年劉節重刻大同集纂修同安縣志

隆慶戊辰年鄧一相續修同安縣志

萬歷壬子年李春開續修同安縣志

清康熙癸巳年朱奇珍續修同安縣志

雍正五年二月加福興泉永道巡海道移駐厦門

乾隆三十二年陶元藻續修同安縣志 四十一年泉州府屬通判移駐同安縣

馬家巷

嘉慶三年吳堂續修同安縣志



兵警

唐僖宗乾符元年王潮引兵拔泉州縣屬之

光啟 年黃巢亂金紫光祿大夫劉日新追之於大同場

南唐開運二年南唐克建州王延政降三年以留從效為泉州刺史縣屬之

宋紹興二十七年夏有警主簿朱熹與監稅曹沅完守卻之考舊志云時賊窺西北城熹等繕守備而置射

圍賊不能逼尋潰去

景炎元年冬張世傑駐師嘉禾嶼考通鑑云是年五月益王即位福州元兵逼世傑陳宜中等備海舟奉帝及衛之航海入泉州

港招撫使蒲壽庚開城叛降元帝遂至嘉禾嶼登五通由大膽出港赴潮州

元至正五年嘉禾千戶何迪立叛考漳州府志蔡淳淳傳迪立與土賊萬貴寇漳泉陸

擊悉十年賊掠海濱監郡僕玉立俘其魁 十四年安溪山賊李大陷同安 十

六年李大復攻城監邑馬哈謀沙拒卻之 十七年伊守禮叛攻同安馬哈謀沙

戰走之考舊志守禮與萬戶賽甫丁叛據泉州遣其黨十餘人入同脅謀沙與俱謀沙盡殺之守禮率驍勇千餘來攻謀沙戰走之

明正統十三年正月沙尤賊入積善里里人劉雄率義兵拒戰死之 十四年沙尤

寇陳敬德陷同安邑人葉秉乾率義兵進戰寇敗走 海寇張秉彝攻中左高浦

同安縣志

卷之三十一 大事記

二

二所秉乾督義師拒戰死考明史忠義傳秉乾同安人曾出稻二千石以賑貧民賜敕旌義復其家沙尤羅興甫作亂請於官督民壯殲

之山賊陳敬德攻同安募義兵從主簿蔡遜擊走之高浦秉乾力戰死

嘉靖三年汀漳盜起知同安縣周惟會追至鷄母岫賊奔德化 二十四年海寇掠

中左所 二十六年安溪洞賊陳日輝掠同安分巡僉事余曠追擊平之考舊志

衆據安溪覆鼎山大小尖白葉坂諸峒不時出掠至是徑迫同安郭外劫佛郎機

番船泊浯嶼巡海副使柯喬發兵攻之不克考漳州府志是時漳泉賈人輒往貿

朱納厲禁獲通販者九十餘人柯喬二十七年都指揮盧鏜大敗賊於浯嶼 六

月賊衝大擔外嶼柯喬禦之嚴賊遁退考浙江倭變記賊首李七引倭屯浙江雙

嶼鏜及閩副使魏一恭指揮劉恩海寇玩其寶掠小登知府程秀民遣兵討平之

至張羅漢等復大敗之賊始退海寇玩其寶掠小登知府程秀民遣兵討平之

考舊志其寶與林翦毛等久為海濱患四月其寶大掠小登死與被執者二百餘

人小登遂墟五月秀民合戰艦遣南安丞馬一洪指揮孫廷槐進剿戰於小登南

崩賊潰官軍合圍擊之殺其寶三十三年倭泊浯嶼掠同安 三十七年倭泊浯

嶼火其寨 五月倭攻縣城知縣徐宗奭拒卻之 三十八年夏倭攻城指揮白

震同知李時芳教官吳金固守城藉以完五月倭掠大登 新倭自浙至浯嶼焚

掠 三十九年三月倭大掠浯洲知縣譚維鼎率民兵卻之 參將王麟把總鄧



一貴追擊倭寇於鼓浪嶼及刺嶼尾大敗之 冬十月倭掠縣東濱海 四十年

正月倭掠同安民兵戰走之 夏六月倭黨馬三岱掠東界維鼎率民兵敗寇於

三魁出米巖下 十二月倭寇同安攻南城維鼎戰卻之 考舊志是年諸賊出沒

鼎自夏迄秋斬賊破賊黨楊三仔自殺葉山壯謀叛事覺伏誅并斬三顯吳用

大壯等三顯復謀破賊黨楊三仔自殺葉山壯謀叛事覺伏誅并斬三顯吳用

聘鄭大果王子琪等境內底平獨馬三岱驍絕有降意冬十月鄉兵病疫原屯晉南

與妻不義所為乃致而厚欸之使招三岱驍絕有降意冬十月鄉兵病疫原屯晉南

倭賊乘虛集眾二萬入寇於三岱驍絕有降意冬十月鄉兵病疫原屯晉南

部戰甚力賊駭退復攻石灣諸生李聖機結社嚴守仍遣三岱赴援賊驚退維鼎

多方剿捕擒倭新三俘老四十一白礁寨民王出彙倡亂維鼎攻捕殲其魁

太老白等除黨遁還晉南四十一白礁寨民王出彙倡亂維鼎攻捕殲其魁

隆慶三年四月倭入同安指揮張奇峯盡擒其黨泉州各縣俱平

天啟二年紅毛夷犯中左所逼圭嶼 冬十月福建總兵官徐一鳴率兵駐中左所

剿紅夷 三年紅夷復入中左所 秋紅夷犯鼓浪嶼 冬十月福建總兵官謝

隆儀大破紅夷於浯嶼 六年春海寇鄭芝龍犯廈門督師俞咨臬出戰弗克芝

龍入據之 按廈門志六年七月今考臺灣通史謂芝龍六年泊於漳州之白鎮與

此乃六年事也與舊志合今從之

崇禎元年春芝龍由中左所攻銅山 秋七月芝龍降於巡撫文燦 二年夏四月

同安縣志 卷之三十一 大事記 三

寇夜薄中左所芝龍與戰不利 海寇李魁奇陷後浦城陷死百餘大掠 三年

紅毛犯中左所游擊鄭芝龍焚走之 六年紅毛突入中左所巡撫鄭維璉擊走

之

唐王聿鍵隆武二年二月明兵部徐孚遠至廈門清帥吳六奇匿之完髮死 十二

月鄭成功會明文武舊僚於烈嶼設高皇帝位定盟恢復以明年丁亥為隆武三

年

清順治元年鄭彩鄭聯據金廈二島 四年明鄭成功帥師勤王泊舟鼓浪嶼 八

月成功自島與鴻達帥師攻泉州 五年戊子三月成功據同安 八月修國器

陳錦李率泰率清兵至取同安明守將邱縉林壯猷死之廿六日李率泰屠同安

縣 六年秋成功并聯彩軍遂據金廈 七年閩撫張學聖提督馬得功潛師襲

成功攫其家貲而還 八年春提督馬得功破廈門成功還復據之 十一月提

督楊名高與成功戰於小盈嶺不克 九年總督陳錦駐同安攻廈島不克而還

明監國魯王至廈門 七月丙子鄭成功奉明永歷正朔清閩浙總督陳錦統

領將士將平之至同安灌口為家人刺死 十年五月固山金礪與成功大戰於



廈門不克 九月諭鄭成功效順許漳潮惠泉四州駐紮屯兵成功不從 十

月遣芝龍招撫成功拒命 十二月成功據同安 十一年十二月成功取漳州

復圍泉州至興化巡撫佟國器調潮州水師直抵廈門與閩師首尾夾擊之 十

二年六月墮同安城 考舊志世子王大兵入閩成功度勢不守毀 十三年正月大

兵取同安 陳霸附和成功據泃洲劫掠 十四年正月成功復取同安參將楊

啟智降 考十一朝東華錄時朝旨派梅勒章京覺羅阿克善率師平閩偵成功軍

部察叙是月成功總兵黃梧勦將蘇明鄭綱等 三月丁卯禁沿海接濟鄭成功糧

米 八月成功由島出師至台州分巡道蔡瓊枝副將李必及府縣皆降 十五

年六月成功由島帥師 入溫郡取平陽瑞安全浙震動 秋成功由島悉眾攻

金陵鎮江屬邑皆下 十六年十月成功自金陵敗績入島 十七年夏五月將

軍達素總督李率泰率師剿島敗於高崎 九月遷排頭居民暨沿海八十八堡

入內地 按舊志移民在十八年今從東華錄考正之 十八年夏四月成功取臺灣留子經守廈島

康熙元年五月總兵官許龍擒鄭成功弟成賜於廈門 鄭成功卒子自廈入臺

十二月命水師總兵官擁兵駐同安城 二年鄭經回廈門 八月同安伯鄭鳴

### 同安縣志

### 卷之三十一 大事記

駿率所部文武官四百餘員投誠 十月官兵大蒐兩島墟其地而還 三年正

月李率泰馬得功統水陸官兵取金廈力戰得功墮水死 七年海澄公黃梧請

將同安城守營副將悉歸經制從之 十三年三月耿精忠取同安 五月鄭經

據廈門島盡取同安地清萬正色自泉港分三路至圍頭乘勢搗料羅獲勝 十

六年二月官兵復同安 鄭經將黃邦漢久踞同安三保谿大將軍康親王傑書

遣前鋒參克納侯馬三奇等擊平之 明諸王後朱寅會師灌口福建總督郎廷

相擊平之 白巾賊蔡寅屯苧溪橋劫掠各村堡總兵黃藍會剿搗其穴 十七

年鄭經仍踞廈門閩三月遷廈門百姓於內地申嚴海禁 四月總督郎廷相請

召募舟師規取廈門六月白巾賊蔡寅歸鄭經 七月明武平侯劉國軒取同安

副都統雅塔理退守泉州同安惠安興化相繼陷泉州圍急 學士李光地以鄉

兵導官兵間道赴援 順寧海賴平南復同安 十月總督姚啟聖遣子姚儀領

官軍敗劉國軒兵於同安遣漳州進士張雄至廈門招撫不成 十八年紅巾山

賊劫掠北界 諭荷蘭國王具夾板船載勁兵協攻金廈 啟聖及陸路提督楊

捷連破十九寨 十九年二月新造烏船成萬正色以舟師取海壇 考東華錄巡撫吳興祚云



賊踪雖多不如我新造烏船堅固便捷今鄭錦悉調舟師皆在海壇齊集宜乘風  
利將銳攻取海壇破賊藩籬則金廈可乘勝而下遂與萬正色決策以水師直攻  
海壇與率標兵赴同安督臣姚可聖提臣楊捷調陸路兵規取廈門定初四日  
進攻分前鋒兵為六隊直衝而入親統巨艦繼之又以輕舟繞其左右併力夾  
攻砲火齊發擊沉敵船十六艘溺水死者三千餘人餘衆潰舟師遂泊海壇  
九年春二月二十三日大兵水陸分進取玉州 巡撫吳興祚同寧海將軍喇哈  
達由同安進兵至泗洲潯尾發紅衣砲攻擊分兵三路渡廈門 姚啟聖復海澄  
萬正色累戰皆捷二十八日進廈門城遣官兵進取金門鄭經遁臺灣 二十年  
二月令金廈照舊展界 二十二年姚啟聖駐廈門六月水師提督施琅帥師東  
征臺灣克之 六十年夏臺灣奸民朱一貴作亂閩浙總督覺羅滿馳赴廈門督  
師 六月南澳總兵官藍廷珍統征臺大軍出廈門港 閏六月初七日檻致朱  
一貴至廈解京伏誅

雍正六年包齊會聚衆格鬪 大姓李陳蘇莊林爲包雜姓爲齊互殺傷總督高其  
倬委弁將就大姓爲首李邦小姓爲首葉祖傳拏究

乾隆五十一年冬十一月臺籍林爽文莊大田作亂提督黃仕簡帥師由廈門渡海  
剿之弗克 總督李侍堯駐廈門調兵赴援 五十二年冬大將軍福康安統率

### 同安縣志

### 卷之三十一 大事記

員兵由廈門出大擔渡海平之

嘉慶四年八月安南夷艇匪竄大擔入後浦港廈門戒嚴金文武舉巨礮擊退之

七年夏五月洋匪蔡牽夜入大擔門劫巨礮外委陳鳳高死之 十年海寇朱瀆

劫料羅洋廈撥兵一百往料羅金龜尾協防 十一年洋匪同安人蔡牽漳人朱

瀆作亂李長庚請造同安梭船六十號緝捕 海壇金門二鎮捐造梭船十五號

三月閩浙總督王德駐廈門督剿洋匪 九月汀州總鎮兵官李應貴擊朱瀆

於大擔洋中礮死 十三年冬金門總兵許松年礮斃朱瀆於長汕尾洋

道光二年嚴禁夾帶鴉片煙入口 中英戰端始此 三年查禁海口洋船夾帶鴉片煙 十一

月申定擄人勒贖例 六年臺匪李通糾衆焚搶金門鎮總兵官陳化成渡臺防

堵 總督孫爾準駐廈門接濟糧火李通就擒 九年番舶裝載鴉片煙至廈門

嚴禁流行內地 十一年五月禁廈門口不得設大窯口 考東華錄云夷船來廈

并有夷呂兵船名曰護貨同泊一處勾通土匪以開設錢店爲名暗中售煙呼爲

大窯口分銷內地與奸民串同各衙門兵役刑設私局名小窯口城鎮所存煙毒

此項煙土每年紋銀出洋不下數百萬是以內地之財易外洋之毒

無窮竭財亦無盡應即嚴行查禁令各夷於貨船外不得另設蠶船以淨根株

十二年禁廈門口不得販賣鴉片 五月裁水陸各營 十月廈門興泉永道據



報臺灣府被匪焚劫水師提督陳化成馳往查辦臬司鳳來駐廈門接濟總督程祖洛到廈會同提督劉廷斌剿辦催調福寧邵武汀州等營到廈後隨即渡臺十三年五月總兵竇振彪兵備道周凱同安參將雙喜會剿沿海匪鄉十四年十月驅逐洋面董船申禁匪徒勾結販賣鴉片內港土匪劫渡船馬巷通判護理提標後營游擊吳建勳會剿山后亭柏頭各匪鄉十五年英吉利船駛入洋面福建督撫嚴飭沿海文武員弁巡防堵截嚴禁內地奸民交易接濟十七年夏以閩浙海口歲出銀以千萬計總督鄧廷楨嚴飭廈門海關監督稽查截擄律辦十八年閩浙總督鍾祥嚴飭廈門口查緝鴉片查辦官兵百姓與販吸食十一月嚴緝廈門停泊番船煙土十九年禁沿海奸徒開設窯口囤積鴉片首犯斬梟同謀接引護送概受僱船戶絞監候沿海員弁兵丁受賄故縱絞立決知情徇縱發往新疆官弁苦差兵丁爲奴得財賣放與犯同罪禁卒將鴉片私售發極邊煙瘴充軍存煙炭杖一百賣烟具者按賣賭具治罪十二月查辦廈門水師員弁包庇販運煙土二十年六月洋船到閩洋圖銷鴉片總督飭沿海員弁分路攻擊洋人落水無算生擒二人截漢奸船人煙俱獲七月英兵船駛進廈

## 同安縣志

### 卷之三

大事記

六

港開礮擊我礮臺守備陳光福擊退之護參將陳勝元執矛刺死一人哨船弁兵發礮中傷甚多總督鄧廷楨嚴密防堵廈門八月英兵船二隻至廈門青嶼向水操臺開礮提督陳潛平督同副將靈德游擊謝國標追擊之碎其杉板逼進嶼仔尾小港開礮擊中洋人五名船遠遁按金門志謂夾板船至青嶼三十四艘東華錄云二隻必有誤二十一年七月英兵船闖進青嶼總督顏伯燾督戰不利廈門失守退保同安吳文鎔調精兵赴援英船闖進內港至泗洲以水淺急退金門鎮總兵官江繼芸陣亡二十二年與英吉利訂通商條約開廈門爲商埠鼓浪嶼英船暫住俟開關退出二十九年著名海盜陳雙喜率領首夥百餘人來廈投誠總督劉韻珂派員將其船隻礮械收納之

咸豐元年廈門人陳馨同安人王泉作亂漳泉道途梗塞閩浙總督密飭查辦三月總督裕泰獲會匪五人提省審辦七月實行保甲三年會匪黃露業蔡懋昭攻同安廈門城陷知縣李湘洲出走廈門守備鄭振纓死之四月軍功吳鴻源隨廈門水師提督施得高在東頭埔潯尾截擊擒晚等十九名六月吳鴻源救援金門擒逆首林沙等八名十一月提督施得高李廷鈺督率護金門鎮



總兵孫鼎鰲副將呂大陸等以陸路分道圍城以水師嚴扼海口夾擊於十一日克復廈門全島 十五日千總吳鴻源帶勇船直搗石兜逆巢由壺嶼押小刀會首黃得美黃尤著黃光場等送鹽法瑞道訊辦 四年五月守備吳鴻源在劉五店擒獲會匪林井九名送廈防廳訊辦

同治三年冬十月李侍賢陷漳州總督徐宗幹調泉廈官兵六千人分防辛卯催陸路提督林文察由同安進兵曾玉明赴廈門統帶水師會同陸軍黃少春劉典相機兜剿進剿漳州副將惠營陷林文察退保玉州中搶亡 十一月戊午高連陞軍航海來閩由同安進攻漳州黃少春由興化進兵與高連陞合卽由安溪至漳屬之長泰前進 十二月戊辰泉廈告急高連陞率所部急趨同安以保泉廈李侍賢由漳好景山包抄萬松關瑞香亭曾玉鳴仍在三溪阿駐守高連陞由同安赴漳戊子官軍分東路東北路進攻左宗棠在泉州後路嚴密布道李成謀以得力水師赴廈 四年正月黃少春由同安馳抵江東橋敗李侍賢汪海洋軍進紮漳州之北溪 二月李侍賢勾結洋人惹隔孫接濟軍火札廈領事官電禁李侍賢窺伺泉廈李鴻章派郭松林洋槍隊航海至廈相機進剿仍歸左宗棠調遣李

## 同安縣志

### 卷之三

大事記

七

鴻章以郭松林援閩軍照蘇省餉章由上海廈門設局解運辛巳 英桂徐宗幹以同安安溪僻境慮伏莽襲官軍後路飭道員張啟煌知府程榮春會同泉郡文武悉心籌禦 調衢州總兵官劉清亮由省帶所部趨泉州同安以固黃少春高連陞後路癸巳劉清亮率所部由同安徑趨石碼以保漳東南路派郭松林軍嚴扼廈門口丙午催郭松林由廈門進兵以截其窺伺海濱之路派郭松林楊鼎勳由廈門赴海澄進取漳浦 夏四月李侍賢軍由漳浦趨重漳州調郭松林楊鼎勳分札海澄鎮門及廈門與高連陞聯絡以斷賊竄入海道郭松林楊鼎勳軍由廈門進攻漳南大獲勝仗 李侍賢勾結同安土匪內訌起事郭松林軍將各鄉匪巢擊平之灣泊海面匪船百餘隻候選知府葉文瀾焚燬之 五年三月禁齋二戰守兵二百四十名 十二年五月廈門口建新礮臺安放巨礮 十三年春三月日本兵船以借地操兵泊廈門法國兵輪亦抵廈沈葆楨李鶴年嚴密備禦 日本孟春船在廈門測水直至中歧文煌李鶴年派得力員統兵駐廈 光緒十年法逆犯臺灣福州廈門告警提督吳鴻源由廈辦團旋奉旨領漳泉勁勇



援臺 二十七年八月日本兵船到廈駕大炮於虎頭山英美德各領事制止兵輪乃退

宣統二年灌口莊又南莊育才組織革命軍 三年九月革命軍起與湖北響應張海珊設司令部於廈門 福州總督松壽自縊 十月陽翟人陳延香灌口人陳少瀛奉命赴同安於縣署及五城門皆建民軍國旗知縣陳文緯從命并向民軍宣誓秩序如常商民安堵邑之變國體自此始 十一月改陽歷

民國元年省令縣設禁煙局厲行禁煙 裁灌口巡檢 改捕廳為管獄員馬巷廳為縣佐 劃嘉禾里為思明縣

以下就陳延香胡克從訪稿合參

四年六月巡撫使許世英巡視閩南劃本邑翔風浯里為金門縣 五年一月七日知事柏麟書奉省電以本年改為中華帝國洪憲元年 四月奉電廢止洪憲年號復為民國五年 六月一日民軍莊育才宣言反對帝制與教練官潘節文帥師攻城北軍禦之莊潘陣亡 六年十月縣知事鈕承藩乘地方不靖勒縱鄉村種煙邑之煙禁復開始此 七年七月廿九日靖國軍司令楊持平率兵圍城與駐城北軍相持月餘城中民居遷徙一空時天降霖雨大水至北軍由城上射

### 同安縣志

### 卷之三

大事記

火焚燒舖戶水火同時為患商民無論男女紛紛逃難計百餘年來未有若此次之奇慘者九月五日靖國軍圍急知事鈕承藩先期強勒義倉公款七千元帶印棄城赴廈挾費逃於上海 閩粵兩軍大戰於大小西山粵師長許崇智從蓮花山衝至鳳崗寶鎮山閩軍旅長周永桂紮祥露頂杜橋烏塗諸鄉 十一日粵軍退駐打石山一帶連日鏖戰 十六日粵軍退駐灌口 二十日守江東橋紮漳州閩軍守角尾大兵經過之地多焚燬掠劫鄉民逃亡 廿八日廈門北營長張樹城帶兵由集美進城楊持平軍退駐安溪北軍入城四日突焚西橋尾商舖張樹城焚梵天寺執住持僧銃斃以斃匪一人具報 十三年甲子三月楊化昭軍自泉州來駐南門外頂溪頭滅致平軍自廈移駐西門外之瑤江與楊化昭合省軍周蔭人率大軍由泉州到馬巷初七日大戰於同山七晝夜楊滅以子彈盡引兵退是役也人民被劫掠至一百五十餘鄉

### 附小刀會匪紀略

邑之有小刀會匪由錦宅人黃自外洋購洋小刀數百柄備贈

同類結為小刀會其脅力絕不為直乃族叔黃位入會以凌佃由是江黨漸盛茂洲為佃戶抗越境控追官不為直乃族叔黃位入會以凌佃由是江黨漸盛事聞於海澄令汪世清捕江源江發置諸法得美誓為復仇乘世清赴隣封遂謀作亂咸豐三年四月初六夜率黨破海澄初十日破漳州兵備道兼攝知府事文



秀之總兵曾詔安之均死附石民風起自七月至十月長泰同安溪漳浦守  
和全隨賊復據漳五日肆義民收同安屠城七日鄉義民憤起復賊安其城山溪  
雷隨失由提督施得高民巡洋得美乘虛入於南關西門焚之千戶署得高退言劉  
入治中港命游擊鄭振率兵二往剿賊入城復詔安署得高退言劉  
回治中港命游擊鄭振率兵二往剿賊入城復詔安署得高退言劉  
五店知縣李湘洲參業蔡爾阿同走賊入城復詔安署得高退言劉  
星窳縣然於屯舉人陳貫湖鄉邑武員遂回以之財物募義團聲言逐賊充伍  
望里郊神出是西門外運湖鄉邑武員遂回以之財物募義團聲言逐賊充伍  
兵來不援城中已無賊跡而兵單餉乏民信大震總兵孫鼎鰲任把總彭生林章  
呂軍守團練丁壯日無賊跡而兵單餉乏民信大震總兵孫鼎鰲任把總彭生林章  
議中守團練丁壯日無賊跡而兵單餉乏民信大震總兵孫鼎鰲任把總彭生林章  
於乘流直抵後浦官井然擊戮沙等統戰艦四心餘隻安龍鰲任把總彭生林章  
美經此一抵後浦官井然擊戮沙等統戰艦四心餘隻安龍鰲任把總彭生林章  
懿庚子也起前於提督福以韓嘉世襲陳壯國蔡潤廷為督師討賊日盛十餘  
長庚子也起前於提督福以韓嘉世襲陳壯國蔡潤廷為督師討賊日盛十餘  
十三日由黃鑄江等師以二韓嘉世襲陳壯國蔡潤廷為督師討賊日盛十餘  
黃三由黃鑄江等師以二韓嘉世襲陳壯國蔡潤廷為督師討賊日盛十餘  
內巖山邊巖突出延僅以二韓嘉世襲陳壯國蔡潤廷為督師討賊日盛十餘  
鴻源水師由北延僅以二韓嘉世襲陳壯國蔡潤廷為督師討賊日盛十餘  
糞窟自來頭山內層山頭美是社為賊營中於路師遂得眉以分其嶺溪岸  
擒陳自來頭山內層山頭美是社為賊營中於路師遂得眉以分其嶺溪岸  
賊拏死血戰官軍奮勇爭先十日廷移師東門美雲梯肉薄登日刃錦宅鄉訓  
陳興於血戰官軍奮勇爭先十日廷移師東門美雲梯肉薄登日刃錦宅鄉訓  
導黃倫生員黃貫妻黃永皆等黃位美安南不獲是並役也閱七十日歷四十八戰  
得財產數十萬貫妻黃永皆等黃位美安南不獲是並役也閱七十日歷四十八戰

### 同安縣志

### 卷之三十一 大事記

### 災祥

元至正二十六年七月丙辰大雷雨三秀山  
明成化二十一年自春徂夏積雨連月田廬禾稼多壞

正德十三年粟一莖五穗 十六年大有年 末年多虎患

嘉靖七年八月初九日夜大風拔木發屋至初十日曉雨下如注風乃止 十一

年壬辰春雨雪同安地温無雪故老皆以為瑞次年癸巳大熟惟荔枝龍眼枝葉

憔悴乃知此果宜温 十五年丙申十六年丁酉久旱大饑民多流殍 十七年

甘露降凝木末如飴人爭採之御史李元陽奏進薦之太廟是後十九二十二

一年俱有年 二十一年五月十三日將晡時海中氣蒸如霧有斷虹飲海而起

日下赤雲夾擁南飛至夜颶風大作飛瓦拔木榕樹連數抱者俱絕根而仆百歲

人所未嘗睹云 二十三年甲辰二十四年乙巳相繼旱災斗米三百餘錢及潮

民通糶穀賤斗米僅鬻錢三十文一時存活愈於豐稔 二十六年丁未七月初



九日夜大雨達旦溪流泛漲城不沒者三版識者曰水兵象也是冬安溪流賊百餘人突至多所殺戮 三十二年縣西郭氏宅產芝一本甚奇人爭往觀 三十六年冬訛言有馬精其來也見火星隕地婦人犯之輒昏仆以桃柳枝鞭之乃甦否則死縣境戶懸桃柳夜則聚婦女露坐男子環守之鳴鑼鼓達旦令徐宗爽諭禁不能止會有黃冠鸞符於市令曰此必爲祟者捕而訊之搜其囊果得所爲火星以硫磺和樟腦爲丸置火其中裹以濕紙颺之則熾衆始釋然而妖遂絕 三十七年三月十二日大雨雹鴻漸山石墜自五月至十一月大荒疫四十四年三月二十七日疾風雷雨方未時忽昏如夜咫尺不辨行人阻駭至申盡乃稍開霽隆慶四年有靈芝一莖紺色金圍產於東山

萬歷七年己卯大旱蝗饑饉六月乃雨 八年庚辰大歉 九月辛巳五月初三日長興從順蛟起大雨如注壞城舍溺人無數 二十二年甲午二月初八日雨黑水 二十四年丙申地生黑毛寸許類猪鬃 二十五年丁酉正月大雨雹三月初十日又雨雹大者如鷄卵破瓦傷稼澳頭沿海一帶尤甚又有黑雲一片如簾箕大自縣中出南地而去所過屋瓦俱動至劉五店尤甚 三十一年癸卯八月

## 同安縣志

### 卷之三

大事記

十

初五日颶風大作潮湧數丈沿海民居埭田漂沒甚衆船有泊於庭院者泅洲幾爲巨浸董水石梁漂折二十餘間是日漳泉販呂宋者數萬人駢首爲番僧所殺此殆其沴云 三十二年甲辰十一月初九日酉時地大震其聲如雷城郭廬舍多傾頽地有裂開丈許泥水溢出者踰月乃止 三十二年甲辰有年 三十八年己酉有年 三十九年庚戌有年 六月有大星尾若彗照地有光隕於南方六小星隨之其聲如雷 四十六年三月庚辰大雨雹 四十七年諸生陳文瑞葬父封土甫竣墳堆忽產靈芝一莖越年文瑞登第 四十八年三月二十一日卯刻天色忽晦有物從長泰之萬丈潭起大雨雹隨之其一經邑之海豐潯尾下崎馬巷至香山其一經豪嶺亭溪至西山食頃乃止雹大如盃擊斃人畜甚夥松柏皆去皮而枯

崇禎十二年元旦城南火 十三年正月初七夜雨豆扁而細或黑或黃民有掃之盈升者 十六年紅雨降於從順里西塘張玠家色如朱是年玠領鄉薦

清順治十一年甲午十二月浚減及五蘆山後忽地中有烟沖起其氣逼人三日不散泉湧如血人皆以爲異或曰此縣治龍脈所經也 十三年丙申正月十六日



大雪深尺許時馬總兵興役築城民苦寒

康熙元年壬寅大豎人見海中有人面魚立於波上見人笑而沒越明年遷界 三年甲辰安柄有人晨起見巨蛇有角以角挂荔樹中偏反如鞦韆狀驚走未數日而蛟見大水壞廬舍漂人畜無算 五年丙午有虎患小盈新塘大路行人多爲所噬松田陳氏宅產靈芝是年陳睿思舉於鄉明年登第 五年丙午六年丁未俱有年先是乙巳以前大歉老稚多流殍者忽東山石上微露字形曰天太平丙午人不解其意至此有年乃知豐年之兆也 七年八月洪水湮壞人居禾苗漂沒 十九年米騰貴每斗價六錢 二十年秋大旱禾盡稿 二十一年七月中夜有大聲十餘各曳長尾其色慘淡從西南入於箕尾分野 三十四年有兩虎鬪於三秀山顛俱斃 三十五年甘露降凝木末松柏尤多人爭採爲錫公車北上者多以此爲贈遺 三十六年三月蟲生遍野食五穀 三十七年戊寅四月廿八晚大雨如注諸山多崩夜深水漲數丈船挂樹梢橋梁衝壞西門城崩民居漂沒數千家死者千餘人 四十六年六月十一夜洪水 蓮花山石裂如雷 四十八年八月初一日辰刻昏黑如夜人皆驚駭 四十九年庚寅大歉 五十

## 同安縣志

### 卷之三

大事記

十一

年六月地震棟宇幾傾七月又大震 五十二年夏大水

雍正二年甲辰八月五方埔陳氏宅產靈芝五莖紺色金圍是歲里人許琰盧家椿同領鄉薦至丙午原地復生光彩逾常越春許琰登第選庶常 六年戊申秋旱 十一年癸丑六月廿二日蛟見大雨如注雙溪水暴漲東溪尤甚死人從城堞流入廬舍漂沒無數橋梁傾圮甚多 十月浯洲歐壠湖中忽浮一小渚高四尺許闊丈餘長十餘丈形如鯉魚四旁水深洞不可測相傳萬歷間是湖鳴沸三日夜里人林鈺生後鈺登探花拜東閣大學士

乾隆元年丙辰九月初十日日如火有星自西方墜初青白色後變紅半時始滅 二年丁巳葫蘆山一帶地生珠如綠豆大邑令唐孝本夢有出珠之水可洗淤之句因築雙溪堤岸疎濬沙泥民賴其利 三年戊午九月虎頭山鳴兩日夜其聲如雷不數日鄉試榜發邑中獲雋者八人副二人邑之鄉榜是科最盛 六年辛酉從順里西浦村有靈芝一莖紫色金圍產於籬中是歲里人陳應瑞登賢書人謂其名有先兆云 歲荒總兵林君陞籌米接濟 七年春大旱邑令李芬禱雨不得乃縛生牡猪像旱魃斬之大雨立至明曾異撰詩有祈雨燒猴猪之句蓋古



有是法後人師其事亦時驗云 八年秋有海豚二自泖洲港溯溪流二十餘里至東莊潭止一浮一沉謂之拜風蓋颶將起則現 十一年三月黑蟲食麥岳口一帶蔓延十餘里邑令張荃督民捕之計數給賞三日內獲蟲三十餘石終未能盡乃偕同城各官禱於義娘廟是日天大雷電以風夜半大雨如注達旦蟲無遺種是歲麥大熟 十三年六月十五日東門外劉天眷宅產芝草長五寸旁一小芽五色絢爛有金線繞之八月二十五日仁德里苧溪琬琳院前產芝草一幹九莖圍可尺許 十四年三月初十日琬琳院復茁芝一本九月又一本皆在原處 十六年辛未春大雪是歲五穀豐稔 十七年七月初七夜大風初八日大水各澳港艤泊大小船有衝陸地者連抱大木俱拔漂壞廬舍無數 十八年大疫 十九年四月十八日大水五峯西源一帶溪多浮尸閏四月初六日復大水學署幾淹 二十二年蟲食苗歲大歉 二十五年五月大水壞田廬 三十五年六月大水 三十六年正月初六夜西驛保火災延燒店屋五百餘間 三十八年大有年 三十九年春旱 四十五年六月廿八日大水 四十六年春旱五月十八日大水歲歉 五十二年歲旱大歉 五十三歲大疫米騰貴 五十五

## 同安縣志

### 卷之三

大事記

十二

年六月大水 五十七年感化里五峯灣內一帶禾苗變葱不能結實歲歉 五十八年禾苗復變葱 五十九年八月大水壞田廬 六十年三月四月米騰貴 五月每斗價八百文民多流殍六月旱稻大豐米價平減

嘉慶四年四月初十夜蛟見大雨如注雙溪水暴漲幾浸城版至十一日已刻水始退壞廬舍漂人畜無數橋梁多圯百歲老人所未嘗覩云 十六年夏地震越日地生黑毛長寸許類猪鬃 二十四年夏大雨雹

道光六年十二月歲荒准開海禁 十二月八月風災 十二月饑斗米八百文 咸豐元年九月水災 三年斗米七百文

同治元年夏五月地震 三年饑 九年金門大旱饑民掘草根煮乾葉以食餓殍 載道鼓岡湖涸

光緒十七年辛卯十二月初一早大雪遍地色白如綿嚴寒澈骨 十八年壬辰十一月廿八日大雪廿九早仍雨雪霏霏如綿絮地上如鋪白氈坑澗皆平俗呼爲棉花雪問之八十老翁均以爲不經見云 二十年甲午六月蛟見狀如牛大耳由瑤山西洋而來大水爲災城圯西橋亦壞人屋漂沒無數 二十一年乙未大



疫鼠先死染者或腫項或結核吐血流行甚盛 二十八年大雨水災廬舍傾沒無數 三十一年三月彗星見於東方長約三丈許是年旱 三十三年三月東方見彗星是年割臺灣與日 三十四年十月十二日觀音石墜是年大兵臨鄉焚劫 全年地震三十二次是年清太后及光緒薨

宣統三年正月元日大雷雨 馬巷三府衙樹羣鳥飛去不復集是年衙廢民安里后邊社伯府泉涸

民國元年正月初九日大雨雹狀如石卵由埔尾至路嶺白帆嶺屋舍均毀五穀草木皆損壞是歲積善里祥露鄉產靈芝數十莖 五年四月一日鴻漸山陰崩一角 六年正月初三地大震海潮退而復漲魚船多遭沒 七月廿六日怪風暴雨爲災大木斯拔墻屋傾圮居民有被壓者 沿海輪船皆破壞舟人漂沒無數是夜狂風吹面頗熱越早巷屬大樹葉如被火 南同山間有野獸狀似犬略高頸有鬣尾甚長齒銳毛灰白色或黑色每出結隊能以兩足行其走甚速每傷七八歲女孩俱挖心而棄其屍被齧斃命者頗多 七年正月初三日地大震 七月初五寨山崩丈餘 八年浯峯有小山橫見地小震 十年南同一帶山脈發

## 同安縣志

### 卷之三

大事

十三

現猛獸數十頭似虎非虎額毛白如馬鬣於晝間結隊橫行山野日甫西則入鄉傷人採樵者多被齧雖鳴鑼列械呼喊從不畏避巷屬內頭黃山前古店前宅小崗山蔗下鼈背溪埔等鄉被齧計三十餘人莫知何獸許宗宣採 十三年甲子二月初六日雨三日似含硫磺之質水面及沈澱皆有之二十日再兩三日亦如之識者以爲兵災之兆